

Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

Caput VI. Christi Incarnationem ac mortem piè recogitatam, ad divinum
amorem in nobis excitandum atque alendum, vim permagnam habere.

[urn:nbn:de:hbz:466:1-47123](#)

C A P V T VI.

Christi Incarnationem ac mortem piè recognitam, ad divinum amorem in nobis exitandum atque colendum, vim permagnam habere.

QVanquam nemini obscurum esse potest, quod etiam initio præsentis opusculi indicatum est, Christi passionem piè recognitam, fontem esse sancti amoris uberrimum; idq; assiduè experiantur animæ sanctæ, quæ hauriunt aquas in gaudio de fontibus Salvatoris, & vel ad solum Crucifixi conspectum amore inflammantur ac liquefcent, inq; dulces lacrymas, amoris indices, solvuntur; juvat tamen hoc ipsu paulò pluribus ostendere, & in argumento summè suavè liquantilper, nec injucundè immorari. Ordiemur autem velut à capite, & à demonstrata Verbi incarnati amabilitate mirabili, ad eas quas in Christo passo habemus amoris illecebras, gradum molliùs commodiusq; faciemus.

§. I.

Magna Divini Amoris illecebra, Verbum caro factum.

IPSA quidem per se Divinitas, infinita est amoris illecebra; quippe quæ per se purum est, & summum ac infinitum bonum, dulce theatrum ipsiusmet divina mentis, spectaculum omnis admirabilitatis, & (ut Augustinus appellat) *psalmus 83. christudo insatiabilis*. In cuius proinde claro ac felici intuitu, æterno stupore defixa hærent beatæ mentes; cuius contemplatione satiari nequeunt Seraphinorum oculi; qui eos exinde ardore ac flamas concipiunt, quos (velut si eos ferre non possent) irrequieto alarū succussum, non tam temperant

perant quām alunt, & assiduā quasi ventilatione, ijsdem novam semper animam, & eternūmq; vigorem aspirant.

Verumtamen, uti nunc se habet infirmitas ista vitæ mortaliæ, utq; est animæ corpori insitæ atq; concreta, & adhuc à Deo peregrinantis conditio; admirabilis illa & ineffabilis pulchritudo divinitatis, non jam per se ipsam nobis proposita, sed per interpositam allumpræ nostra humanitatis tanquam nubem apparens, nescio quo modo animos nostros ad amorem sui blandiùs allicit, potentiùs trahit, retinetq; jucundiùs. Sive id fortassis efficit, ex ipsa ejusdem naturæ consortione, similitudo major, & velut cognatio cum Deo; quippe ea solet blanda esse amoris conciliatrix: sive etiam ipsa Divinitas, per susceptam carnem nobis propioratq; familiarior effecta, vim suam intendit & magis exercit è proximo: sive (quæ suavior est, & S. Augustino valde amica cogitatio) ille ipse nativus Divinitatis fulgor, qui plenâ luce incurrens in sensus mortalium, eorum aciem præstringeret, hebetaréq;: idem per eam humanitatis nubem tanquam refractus & attemperatus humanis oculis, eos blandiùs rapit ad sese, afficitq; familiarius. Nube enim regitur (inquit S. Augustinus) non ut obscureatur, sed ut tempore.

Tract. 34. in Joan.

Magna igitur est ac potens amoris illecebra, per suscep-
tam carnem quasi translucens & intermicans Divinitas.
Itaq; illa divina sapientia, cūjus jam olim fuere deliciæ, esse
cum filiis hominum, tunc maximè visa est hominibus deli-
cias facere, & arcanis mirisq; modis mirabiles sui amores
excitare, cùm (ex ejusdem S. Doctoris phras) commixta est
carni, ut infantia nostra lactesceret; cōq; facta est ad amoris
tela potentior, quòd sibi injecto carnis nostra velamine, fieri
videbatur occultior. Habent enim vim certiorem dissimu-
lata, nec prorsus apertæ blanditiæ; magisq; oculis lenoci-
natur, per veli subtilis raritatem, partim abdita, partim
prodita pulchritudo.

Sic

In Ps. 30.

l. 7. Conf. c.

18.

Sic enim & Beatus Gregorius, Deum omnipotentem
ait, in præsenti vita dulcem nobis fieri per effecta quædam
mirabilia, & tamen in sua celsitudine manere occultum:
L. 16. Moral. c. 13. ut & quædam monstrando de se, occultâ nos inspiratione in suo
amore succendat; & tamen abscondendo Majestatis sua glo-
riam, amoris sui vim per æstum desiderij augeat.

§. 2.

No nonnullæ de re proposita S. Augustini cogitationes.

Verum audiamus S. Augustinum, eleganter ac dulciter
ut solet, super ea re differentem. Is enim in libris Confessionum suarum de Filio Dei incarnato verba faciens, ita
L. 13. c. 15. loquitur in rem nostram: *Attendit per retia carnis, & blanditus est, & inflammavit, & cucurrimus post odorem eius. Lo-*
quitur expertus sanctas illas delicias, & blandè ruminat quod cum voluptate gustavit. At inspiciamus (si placet) propinquius ipsam S. Doctoris mentem, & sub isto verbo-
rum involucro latenter sensum enucleemus.

Attendit, inquit, per retia carnis, & blanditus est. Quod admodum enim sponsus subinde alludit sponsæ atq; blanditur, dum eam per semireclusæ fenestræ rimam, aut cancellorum intervalla respectat, videre amans, & videre dissimilans: ita, ex S. Augustini sensu, Deus filius per suscepit, humanitatem, tanquam per fenestrarum retia, cancellosve prospiciens, & nobis adhuc ex occulto quidem, sed magis de propinquo blandiens, amore sui corda nostra succedit. Etenim si S. Doctoris mentem propius inspicimus; retium nomine, non quod vulgo solet, intelligit; sed eas quas dixi fenestras cancellatas aut reticulatas; secutus receptam tunc versionē septuaginta Interpretum Canticorum II. ubi pro eo quod habet vulgata nostra: *prospiciens per cancellos;* ipsi vertunt: *prospiciens per retia;* ad quem equidem locum non dubito S. Augustinum, dum ista scriberet, respexisse.

Quan-

Quanquam & fortassis ambiguo vocis, eo non illibenter. usus est; quod membra ipsa, actusq; Deo conjunctæ humanitatis, etiam retia sint & plagæ, quibus ille corda nostra captet, iisq; demum nos circumventos ac comprehensos, amoris sui captivos efficiat. Quamobrem ipsi filij Adæ, qui priusquam Verbum caro fieret, artes omnes eludebant amantis DEI, neq; quibusvis propositis illecebris teneri aut capi poterant, sed ibant vagi in viam cordis sui: postquam DEI filius hominis filius factus est, & cordibus hominum capiendis, extremo tanquam divinæ artis experimento, blandum istud amoris rete expansum, cessere nimis ei suavi violentiae, seq; ultro in plagas induentes, & inexplicabilibus atq; ineluctabilibus illecebris constricti, præda deniq; amantis atq; venantis DEI facti sunt, impletumq; est quod olim prædicterat per Prophetam: *In funiculis Adam traham eos, in vincula charitatis. Blanditus quippe est, ut ait S. Augustinus, & inflammavit, & cucurrimus post odorem ejus.*

Idem S. Doctor alio quodam loco, ejus verbi DEI, quod Scripturis sanctis continetur, tametsi tot umbris & figuris obiecti, vlt & efficaciam admirans: *Magna, inquit, In ps. 138. Sacra menta fratres. Quomodo loquitur nobiscum spiritus DEI? quomodo nobis facit in hac nocte delicias? quid est hoc, rogamus vos fratres? Inde dulciora, quæ obscuriora. Conficit nobis potionem ad amorem suum, quibusdam modis suis miris. Quæ quidem à S. Augustino de verbo DEI temporali sacris litteris expresso prolata, ad ipsum sempiternum DEI Verbum carne nostrâ obiectum, etiam ex sui authoris mente, meritissimè transferri possunt. Quippe quod isti verbo DEI scripto sunt illa formæ allegoriarum & figurarum umbræ, quibus quodammodo convertitur & opacatur. hoc, Verbo æterno, est tegmen illud & umbraculum ei circumfusæ humanitatis nostræ. Et veluti illa (ut alibi idem S. Doctor appellat) tot L. II. Conf. paginarum opaca secreta legentium animos magis oblectant c. 3.*

ac de-

ac detinent; inde (ut ait) dulciora, quò obscuriora: ita exter-
nus ille paternæ substantiæ splendor, carnis nostræ tegmine
obumbratus, eò se dulciùs sensibus nostris insinuat, quò
blanditur occultiùs.

Quod verò philtrum, aut quæ potio amatoria potuit
excogitari potentior, ad animos nostros divino amore af-
flandos & capiendos, quām Verbum caro factum; quām
Epist. 3.
illa, ut loquitur Augustinus, mixtum DEI & hominis, quām
illud in unam hypostasim temperamentum divinitatis & hu-
manitatis?

Sanè quemadmodum ardenter atq; insanè amantes in-
terdum solent; qui ubi successum non habent consuetæ &
innocentes illecebræ, ad improbas artes & amatoria medi-
camenta deveniunt, ut quem aliter non obtinent, vel ve-
nenis amore extorqueant: ita hujus Patris phrasim lecūti,
dicere possumus; ingenti nostri amore captum, simile quid-
dam (sed pià fraude) fecisse D E U M. De medullis quippe Dr.
In Ps. 109. vinitatis suæ (ut S. ait Hieronymus) confecit nobis potionem
ad amorē suum, Verbum scilicet ac sapientiam suam, quo-
dammodo carni infundens atque commiscens, ut eā nostrę
infirmitati dulcesceret; atq; ita charitate sua in cordibus
nostris, vélut potenti succo, diffusā, immutaret affectiones
nostras, tandemq; nos in se, suiq; amorem converteret.
Tanti fuit suprema illi hominumq; amatrici bonitati nos li-
bi adjungere, & nostrum deniq; verium yilissimorum
morem, sive ab odiosè fastidiosis impetrare, sive de praf-
tè contumacibus extorquere. Atq; hæc ferè ex Beato Au-
gustino.

§. 3.

*Concluditur caput hoc, quibusdam locis eodem pertinenti-
bus à S. Bernardo adductis.*

AT priusquam hoc caput finiam, in quo fortè abducatur longius ipsa argumenti suavitate: delectat ex mellifluo Bernardo nonnulla ad extremum adducere, & ijs quæ dicta sunt confirmandis, ita ex ejus mente philosophari.

Deus quidem amabilitas summa est, sed hoc tamen nomen majestatis est ac potentiae; ideoq; sacrum quendam horrorem mentibus ingerit, timorem incutit, extorquet, venerationem. At **Jesus**, tametsi **D e u s** est, tamen benignitatem, philanthropiam, humanitatem sonat, nec terrorum infert, sed provocat amorem. Itaq; mellitus ille Doctor ad illud è Canticis: *Oleum effusum nomen tuum*; hoc ipsum argumentum versans: *Profectò (inquit) majestatis & serm. 15. in potentie nomen, in id quod est pietatis & gratia quodammodo Cant.* transfunditur. Nomen verbi causâ, quod **D E U S** est, nonne in id, quod est nobiscum **D E U S**, hoc est, in Emmanuel, liquefacit & deficit? Quid enim istud est: Dei nomen in **J E S U M** seu Emmanuel liquecere, resolvi, & quodammodo deficere? nisi hoc illi comparatum, mollius esse atq; amabilius; & **D E U M** per Emmanuelis nostri humanitatem transfusum (veluti subinde in ijs, quæ percolantur, evenit) suâ quasi austoritate positâ, mollieris jam esse ingenij, & in quandam nostris magis attemperatam sensibus liquari suavitatem.

Quod ipsum alio in sermone, non minus eleganter, nec minus dulciter exprimens; cum eundem Dominum nostrum consideraret, & ut regnante super sidera, & ut inter lilia (hoc est, inter mortales) commorantem: *Qui in altissimis est Dominus (ait) in imis est dilectus; super sidera regnans, serm. 70. in Cant. & inter lilia amans. Amabat & super sidera, quia nusquam & nunquam non amare potuit, quia amor est: sed donec ad lilia descendit, & pasci inter lilia compertus est, nec amatus est, nec factus dilectus.* Quasi antea amaret quidem, sed amari non posset; nisi posteaquam, majestate positâ, & nostrâ suscepit humanitate, in terris visus est, & familiariter cum ho-

minibus conversatus , atq; inter illos mira patrando , &c.
cerba pro illis sustinendo , quantopere illos diligeret , evi-
dentiū ostendit ; ut immensus ejus erga nos amor , non di-
cam usurpari oculis , sed manu tangi atq; palpari quodam-
modo videretur . Ergo nunc gratia , miserationis atq; in-
dulgentia tempus est ; neq; in Verbo humanato , & (ut lo-

L. 6. de Tri-
nit. quitur S. Hilarius) concarnato propter nos , terroris causa ,
sed amoris duntaxat habeamus .

Olim cùm D̄eūs justitiae suæ indulgens , vindictæ o-
mnia , misericordiæ perparum concederet , & nonnisi ful-
mina meditans , tonitrua loquens , coedes tantum spiraret ,
& sanguinem ; & vel igne immisso de cœlo , vel terra hiatu ,
vel ignitis serpentibus in rebelles sibi populos mortales ve-
særit , meritò audiebat , D̄eūs magnus , & fortis , & ter-
ribilis in consilijs super filios hominum , Dominus exerci-
tuum , & D̄eūs ultionum . Quâ cogitatione perculsus ex-
Jerem. 10. clamat quidam Propheta : *Quis non timebit te , ô Rex gen-
tium ?* Nunc autem cùm amillo furore , idem ipse humani-
tatem induit , neq; jam D̄eūs ultionum dicitur , sed Pater
misericordiarum , nec jam manus habet armatas fulmine ,
sed clavis confixas in cruce , nobis nimirum commutanda
sunt voces , atq; dicendum : *Quis non amabit te , ô Rex cor-
diuum ?* Hoc quippe jam regnum in nobis affectat , amans
mari , non timeri desiderans : quemadmodum magis mani-
festum erit in sequenti capite , ubi jam speciatim de Christi
crucifixi amabilitate disquirimus .

CAPVT VII.

*Christus crucifixus supremum amoris incita-
mentum .*

UT igitur ad illud quod nobis erat propositum , & cuius
gratiâ reliqua ista præmissa sunt , aliquando devenia-
tur .